

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 27.11.2023թ. թիվ 2317495733 որոշումը բեկանելու և վարչական իրավախախտման վերաբերյալ գործի վարույթը կարճելու մասին

<< 06 >> 12 2023թ. 7-13 12255

ք.Երևան

Ճանապարհային ոստիկանության պետ, ոստիկանության գնդապետ Ն.Սարգսյանս, վերանայելով թիվ 2/7/222973-23 զեկուցագրի քննարկման արդյունքում ստեղծված նյութերը՝

Պ Ա Ր Զ Ե Ց Ի

Նյութերի ուսումնասիրության արյունքում պարզվել է, որ 22.11.2023թ. ժամը՝ 09:49-ին Երևան քաղաքի Լենինգրադյան փողոցի հատվածում երթևեկության սահմանված արագությունը գերազանցելու համար Ճանապարհային ոստիկանության վարչական տույժ նշանակելու մասին թիվ 2317495733 որոշումը կայացվել է <<TOYOTA>> մակնիշի 10 ՕԻ 010 սեփականտեր Հրանտ Հովհաննիսյանի նկատմամբ, մինչդեռ իրավախախտումը կատարվել է <<TOYOTA>> մակնիշի 11 ՕԻ 010 հաշվառման համարանիշի տրանսպորտային միջոցի կողմից:

<<Վարչարարության հիմունքների և վարչական վարույթի մասին>> օրենքի 37-րդ հոդվածի 1-ին մասի համաձայն՝ վարչական մարմինը պարտավոր է ապահովել փաստական հանգամանքների բազմակողմանի, լրիվ և օբյեկտիվ քննարկումը՝ բացահայտելով գործի բոլոր, այդ թվում՝ վարույթի մասնակիցների օգտին առկա հանգամանքները:

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը, որը պարունակում է նաև տեխնիկական միջոցով արձանագրված տվյալները: Ըստ նույն հոդվածի 2-րդ մասի՝ որպես իրավախախտումը հիմնավորող ապացույց վարչական կամ դատական կարգով բողոքարկման վարույթում կարող են օգտագործվել Վարչական իրավախախտումների վերաբերյալ Հայաստանի Հանրապետության օրենսգրքի 251-րդ հոդվածով նախատեսված ապացույցները:

<<Վարչարարության հիմունքների և վարչական վարույթի մասին>> օրենքի 30-րդ հոդվածի 1-ին մասի համաձայն՝ վարչական վարույթ հարուցելու հիմքերն են՝

ա) անձի դիմումը, բողոքը.

բ) վարչական մարմնի նախաձեռնությունը:

Նույն օրենքի 67-րդ հոդվածի համաձայն՝ վարչական մարմնի ընդունած վարչական ակտի վերաբերյալ բողոքի բացակայության դեպքում այդպիսի ակտ ընդունած վարչական մարմնի վերադաս վարչական մարմինը (պաշտոնատար անձը), վերահսկողության կարգով և իր նախաձեռնությամբ, իրավունք ունի վերանայել ստորադաս վարչական մարմնի ընդունած վարչական ակտը:

Վարչական վարույթի ընթացքում պարզվել է, որ վարչական տույժ նշանակելու մասին **թիվ 2317495733** որոշման իրավախախտում կատարած և Հրանտ Հովհաննիսյանի անվամբ հաշվառված տրանսպորտային միջոցների նույնականացումը բացասական արդյունքի է հանգեցրել մասնավորապես՝ իրավախախտում կատարած տրանսպորտային միջոցը <<TOYOTA>> մակնիշի է, **11 ՕԻ 010** հաշվառման համարանիշով, իսկ Հրանտ Հովհաննիսյանին՝ <<TOYOTA>> մակնիշի է, **10 ՕԻ 010** հաշվառման համարանիշով:

<<Վարչարարության հիմունքների և վարչական վարույթի մասին>> օրենքի 63-րդ հոդվածի 1-ին մասի համաձայն՝ անվավեր է առ ոչինչ չհանդիսացող այն ոչ իրավաչափ վարչական ակտը, որն ընդունվել է՝

ա) օրենքի խախտմամբ, այդ թվում՝ օրենքի սխալ կիրառման կամ սխալ մեկնաբանման հետևանքով.

բ) կեղծ փաստաթղթերի կամ տեղեկությունների հիման վրա, կամ եթե ներկայացված փաստաթղթերից ակնհայտ է, որ ըստ էության պետք է ընդունվեր այլ որոշում.

գ) շահերի բախման իրավիճակում:

Այսպիսով, վարչական տույժ նշանակելու մասին վերը նշված որոշումը ենթակա է բեկանման, քանի որ այն կայացվել է տեխնիկական վրիպակի արդյունքում:

Ելնելով վերոգրյալից, ղեկավարվելով, Վարչական իրավախախտումների վերաբերյալ ՀՀ օրենսգրքի 247 հոդվածի 1-ին մասի 1-ին կետով և 293-րդ հոդվածի 1-ին մասի 3-րդ կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին **27.11.2023թ. թիվ 2317495733** բեկանել և վարչական իրավախախտման վերաբերյալ գործի վարույթը կարճել.
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում.
3. Սույն որոշման օրինակն ուղարկել **Հրանտ Հովհաննիսյանին (ծանուցման հասցե՝ Երևան քաղաք, Մալաթիա-Սեբաստիա վարչական շրջան, Անդրանիկի փողոց, 69 շենք, 53 բնակարան):**



Handwritten signature in blue ink.

Ն.Սարգսյան